



Broj: 02-04-112/26-AP-2
Datum: 29.01.2026. godine

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), Gradsko vijeće Zavidovići, na __. sjednici održanoj dana __. __. 2026. godine, donosi

O D L U K U

o izmjenama i dopuni Odluke o standardima i kriterijima za imenovanje na upražnjene pozicije u reguliranim tijelima općine Zavidovići

Član 1.

U Odluci o standardima i kriterijima za imenovanje na upražnjene pozicije u reguliranim tijelima općine Zavidovići („Službeni glasnik Općine Zavidovići“, broj: 6/2014, 1/2015, 3/2017 – U daljem tekstu Odluka) u cijelom tekstu riječ „općine“ mijenja se i glasi „grada“, riječ „općinskog“, mijenja se i glasi „gradskog“, a riječi „Općinski načelnik“, mijenjaju se i glase „Gradonačelnik“, u odgovarajućem padežu.

Član 2.

Član 1. stav (2) alineja 1) i 3) Odluke mijenjaju se i glase:
„- Upravni odbor Javne ustanove „Kulturno-sportski centar“ Zavidovići,
- Upravni odbor Javne ustanove „Dječiji vrtić“ Zavidovići“.

Član 3.

Član 2. stav (2) Odluke alineja 8) mijenja se i glasi:
„- da nije osuđen za krivično djelo nespojivo sa imenovanjem u upravni odbor, pet godina od dana pravosnažnosti presude, isključujući vrijeme izdržavanja zatvorske kazne,“.

Član 4.

U članu 2. stav (3) tačka 3., alineja 1) Odluke mijenja se i glasi:
„- VSS (VII/I) ekonomskog, pravnog, tehničkog ili društvenog smjera za predsjednika upravnog odbora, za članove - jedan član ispred vijeća roditelja VSS (VII/I), VŠS (VI/I) i SSS (IV/I) i jedan član ispred stručnog osoblja VSS (VII/I), VŠS (VI/I) i SSS (IV/I) odgojno-obrazovnog i medicinskog smjera.

Član 5.

U članu 5. stav (3) Odluke mijenja se i glasi:

„(3) Komisija za izbor za JU „Kulturno-sportski centar“ Zavidovići, JU „Javna biblioteka“ Zavidovići i JU „Centar za socijalni rad“ Zavidovići, sastoji se od pet (5) članova i imenuju se u skladu sa kriterijima utvrđenim članom 9. Zakona o ministarskim vladinim i drugim imenovanjima“,

Iza stava (3) dodaje se novi stav (4) koji glasi:

„(4) Komisija za izbor za JU „Dječiji vrtić“ Zavidovići sastoji se od tri (3) člana – po jedan predstavnik osnivača, vijeća roditelja i predškolske ustanove u skladu sa Zakonom o predškolskom odgoju i obrazovanju Zeničko-dobojskog kantona“.

Dosadašnji stav (4) postaje stav (5).

Član 6.

U članu 7. stav (2) mijenja se i glasi:

„Mjesečna naknada za rad članova upravnih odbora javnih ustanova „Kulturno-sportski centar“ Zavidovići, „Dječiji vrtić“ Zavidovići, „Centar za socijalni rad“ Zavidovići i „Javna biblioteka“ Zavidovići, utvrđuje se u iznosu 6% za predsjednika i 5% za člana upravnog odbora od prosječne neto plaće ostvarene u Federaciji Bosne i Hercegovine u mjesecu novembru prethodne godine za godinu u kojoj se naknada isplaćuje.“

Stav (3) se briše.

Dosadašnji stavovi (4), (5), (6) i (7) postaju stavovi (3), (4), (5) i (6).

Član 7.

Zadužuje se Komisije za Statut i propise da sačini prečišćeni tekst Odluke o standardima i kriterijima za imenovanje na upražnjene pozicije u reguliranim tijelima općine Zavidovići.

Član 8.

Ova Odluka stupa na snagu prvi naredni dan od dana objavljivanja u „Službenom glasniku Grada Zavidovići“.

PREDSJEDAVAJUĆA
GRADSKOG VIJEĆA

Amira dr Hadžić, spec. radiolog

O B R A Z L O Ž E N J E

USTAVNOPRAVNI I ZAKONSKI OSNOV ZA UVOĐENJE ODLUKE

Članom 25. Statuta razrađene su nadležnosti Gradskog vijeća u okviru samoupravnog djelokruga rada Grada, tako da je predmetna Odluka u nadležnosti Gradskog vijeća.

U članu 7. Zakona o ministarskim, vladinim i drugim imenovanjima Federacije Bosne i Hercegovine propisano je:

„Član 7. (Standardi i kriteriji)

(1) Svi kandidati za imenovanje u regulirane organe dužni su ispunjavati sljedeće uvjete:

- a) biti stariji od 18 godina,
- b) nisu otpušteni iz državne službe kao rezultat disciplinske mjere na bilo kojoj razini u Bosni i Hercegovini (bilo na razni države ili entiteta) u razdoblju od tri godine prije dana objave upražnjenog položaja,
- c) na njih se odnosi član IX. 1. Ustava Bosne i Hercegovine.

(2) Osim ovih općih uvjeta, u svrhu određivanja osnove za izbor prema kvalitetu, odgovorni javni službenik utvrdit će standarde za izbor i ocjenjivanje u smislu stepena obrazovanja, znanja, iskustva, poznavanja stranih jezika i drugog, što je, prema njegovom mišljenju, neophodno ili poželjno s obzirom na prirodu poslova koje treba obavljati.

(3) Prilikom utvrđivanja ili primjene standarda iz stave (2) ovoga člana, odgovorni javni službenik neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, pola, bračnog statusa, porodičnog statusa, invalidnosti ili zbog postojanja osude za koju je izrečeno pomilovanje.

(4) Odgovorni javni službenik kriterije za imenovanje čuva u evidenciji.“

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Razlozi donošenja ove Odluke je usklađivanje Odluke sa Zakonom o ministarskim, vladinim i drugim imenovanjima u Federaciji Bosne i Hercegovine, tj. činjenice da nadležni sudovi ne izdaju uvjerenja o počinjenim privrednim prestupima, već samo uvjerenja da li se protiv lica vidi krivični postupak za krivično djelo. U članu 49. Pravilnikao unutrašnjem sudskom poslovanju Federacije Bosne i Hercegovine i Brčko distrikta Bosne i Hercegovine („Službeni glasnik BiH“, broj: 66/12, 40/14, 54/17, 60/17 i 30/18) propisano je izdavanje uvjerenja o nevođenju krivičnog postupka: „Općinski / osnovni sud izdaje uvjerenje da se protiv fizičkog ili pravnog lica koje podnosi zahtjev ne vodi krivični postupak pred sudovima u Bosni i Hercegovini.“ Dalje je bilo potrebno izvršiti usklađivanje stručnih sprema lica koja budu imenovana upravni odbor JU „Dječiji vrtić“ Zavidovići sa Pedagoškim standardima i normativima za predškolski odgoj i obrazovanje („Službene novine Zeničko-dobojskog kantona“, broj: 2/11), kao i usaglašavanje sastava komisije za izbor predsjednika i članova upravnog odbora u JU „Dječiji vrtić“ Zavidovići sa Zakonom o predškolskom odgoju i obrazovanju („Službene novine Ze-do kantona“, broj: 7/10 i 8/12).

Kako bi kandidati osigurali dokaz u postupku izbora na pozicije u upravne odbore javnih ustanova kojima je osnivač Grad Zavidovići reguliranih tijela Grada Zavidovići i izvršilo usklađivanje sastava upravnog odbora JU „Dječiji vrtić“ Zavidovići i komisije koja vrši njegov izbor, predlaže se donošenje ove Odluke.

Obzirom da se ne radi o složenoj i obimnoj Odluci, predlaže se njezino donošenje po skraćenom postupku u skladu sa članom 130. Poslovnika o radu Općinskog vijeća Zavidovići („Službeni glasnik Grada Zavidovići“, broj: 7/22 i 1/23).

USKLAĐENOST ODLUKE S KANTONALNIM I FEDERALNIM ZAKONODAVSTVOM

Prijedlog Odluke je usklađen sa Zakonom o ministarskim, vladinim i drugim imenovanjima Federacije Bosne i Hercegovine kada je u pitanju nadležnost Gradskog vijeća Zavidovići za donošenje ove Odluke kao i ispunjavanje općih uslova za imenovanje na upražnjene pozicije regulisane ovom Odlukom.

OBRAZLOŽENJE PRAVNIH RJEŠENJA U ODLUCI

U članu 1. stav (2) alineja 1) i 3) Odluke Odluke o standardima i kriterijima za imenovanje na upražnjene pozicije u reguliranim tijelima Općine Zavidovići koja glasi:

- Upravni odbor Javne ustanove „Centar za kulturu“ Zavidovići,
- Upravni odbor Javne ustanove „Gradski dječiji vrtić“ Zavidovići, bilo je potrebno izmijeniti navedene alineje iz razloga što je Odlukama Gradskog vijeća promijenjen naziv ovih javnih ustanova.

U članu 2. stav (2) alineja 8) Odluke koja glasi: „da nije osuđen za krivično djelo i privredni prijestup nespojiv s dužnošću u upravnom odboru ustanove, pet godina od dana pravosnažnosti presude,“ bilo je potrebno izmijeniti navedenu alineju iz razloga što nadležni sudovi ne izdaju uvjerenja o privrednim prestupima, već samo uvjerenja da lice nije osuđeno za krivično djelo.

U članu 2. stav (3) tačka 3), alineja 1) Odluke koja glasi:

- VSS (VII/1) ekonomskog, pravnog, tehničkog ili društvenog smjera za predsjednika upravnog odbora, a za članove može VŠS (VI/I i SSS /IV/I), bilo je potrebno uskladiti sa Zakonom o predškolskom odgoju i obrazovanju („Službene novine Ze-do kantona“, broj: 7/2010 i 8/2012) i Pedagoškim standardima i normativima za predškolski odgoj i obrazovanje („Službene novine Zeničko-dobojskog kantona“, broj: 2/2011).

U članu 50. stav (3) koji glasi:

Komisija za izbor sastoji se od pet (5) članova, a imenuje se u skladu sa kriterijima utvrđenim članom 9. Zakona o ministarskim, vladinim i drugim imenovanjima, bilo je potrebno uskladiti sa članom 39. stav (3) Zakona o predškolskom odgoju i obrazovanju.

U članu 7. stav (2) Odluke koji glasi: „Mjesečna naknada članovima upravnog odbora iznosi:

- za Upravni odbor Javne ustanove „Centar za kulturu“ Zavidovići – 30,00 KM;
 - za Upravni odbor Javne ustanove „Javna biblioteka“ Zavidovići – 30,00 KM;
 - za Upravni odbor Javne ustanove „Gradski dječiji vrtić“ Zavidovići – 30,00 KM;
 - za Upravni odbor Javne ustanove „Centar za socijalni rad“ Zavidovići – 30,00 KM“,
- bilo je potrebno izmijeniti navedeni stav iz razloga što je visina utvrđene naknade neprimjerena obavezama i odgovornostima članova upravnog odbora javnih ustanova.

ODREDBE ODLUKE KOJE SE MIJENJAJU

Član 2. stav (2)

„Kandidati za imenovanje na upražnjenu poziciju u reguliranim tijelima Općine Zavidovići, treba da ispunjavaju opće i posebne uslove za imenovanja koji su utvrđeni ovom Odlukom.

Opći uslovi za imenovanje na poziciju predsjednika i članova Upravnog odbora zdravstvene ustanove su:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 godine prije dana objavljivanja upražnjene pozicije,
- d) da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine Federacije BiH“, broj: 12/03),
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službeni list FBiH“, broj: 70/08),
- g) da nema privatni finansijski interes u instituciji u kojoj se kandiduje,
- h) da nije osuđen za krivično djelo i privredni prijestup nespojiv s dužnošću u upravnom odboru zdravstvene ustanove, pet godina od dana pravosnažnosti presude,
- i) da nije stariji od 70 godina na dan imenovanja.“

Član 2. stav (3) tačka 3.

Za imenovanje na upražnjene pozicije u Upravni odbor Javne ustanove „Gradski dječiji vrtić“ Zavidovići posebni uslovi su:

- VSS (VII/1), ekonomskog, pravnog, tehničkog ili društvenog smjera za predsjednika upravnog odbora, a za članove može VŠS (VI/I i SSS /IV/I),
- 3 godine radnog iskustva u struci,
- da uživaju ugled u lokalnoj zajednici,
- da nije član niti jednog upravnog ili nadzornog odbora, odnosno odbora za reviziju u više od jednog privrednog društva,
- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizacijske sposobnosti,
- sposobnost tumačenja ekonomskih, tehnoloških i pravnih analiza i propisa,
- rezultati rada ostvareni tokom poslovne karijere,
- preporuke ranijih neposrednih rukovodilaca.

Član 5.

(Komisija za izbor)

Za sprovođenje postupka imenovanja na upražnjene pozicije u regulirane organe utvrđene članom 2. ove Odluke imenuje se Komisija za izbor.

Komisiju za izbor imenuje Općinsko vijeće Zavidovići na prijedlog općinskog načelnika.

Komisija za izbor se sastoji od pet (5) članova, a imenuju se u skladu sa kriterijima utvrđenim članom 9. Zakona o ministarskim, vladinim i drugim imenovanjima.

Komisija za izbor u okviru svojih nadležnosti:

- vrši pregled prijava kandidata,
- sastavlja listu s užim izborom najboljih kandidata koji ispunjavaju kriterije za imenovanje,
- provodi intervju sa svim kandidatima koji su ušli u uži izbor,
- dostavlja potrebne obrasce kandidatima koji su ušli u uži izbor,

- predlaže općinskom načelniku putem pismene preporuke rang listu najboljih kandidata na daljnje razmatranje,
- vrši i druge poslove koji proizilaze iz Zakona i ove Odluke.

Član 7.

Predsjednik i članovi upravnog odbora imaju pravo na naknadu za rad u upravnom odboru.

Mjesečna naknada članovima upravnog odbora iznosi:

- za Upravni odbor Javne ustanove „Centar za kulturu“ Zavidovići – 30,00 KM;
- za Upravni odbor Javne ustanove „Javna biblioteka“ Zavidovići – 30,00 KM;
- za Upravni odbor Javne ustanove „Gradski dječiji vrtić“ Zavidovići – 30,00 KM;
- za Upravni odbor Javne ustanove „Centar za socijalni rad“ Zavidovići – 30,00 KM.

Mjesečna naknada predsjednika Upravnih odbora se uvećava za 20 %.

Naknada iz prethodnog stava, isplaćuje se pod uslovom da su predsjednik i članovi Upravnog odbora učestvovali u radu Upravnog odbora, koji je zasjedao najmanje jedanput mjesečno.

Direktori javnih ustanova zaključuju sa predsjednikom i članovima Upravnog odbora međusobni ugovor u skladu sa ovom Odlukom i drugim propisima koje regulišu rad upravnih odbora.

Sredstva iz ovog člana obezbjeđuju se iz sredstava javnih ustanova.

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provedbeni mehanizmi i način osiguravanja poštivanja ove Odluke propisani su Zakonom o ministarskim, vladinim i drugim imenovanjima u Federaciji Bosne i Hercegovine.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke nije potrebno planirati finansijska sredstva u Budžetu Grada Zavidovići.

OPIS KONSULTACIJA VOĐENIH U PROCESU IZRADE ODLUKE

Tokom izrade Odluke vršene su konsultacije Službe za upravu društvenih djelatnosti, pitanja boraca i opću upravu sa Stručnom službom Gradonačelnice.

GRADONAČELNICA

mr. iur. Erna Merdić Smailhodžić

Akt pripremila: _____
(Nadina Mehinagić)

Akt pregledala: _____
(Asima Merdanović)

Akt pregledao: _____
(Nermin Čahtarević)